

gitjga gino apõgonmatmogoa. Na otjit oetji ipatamolõgo, sagmatot. Tan iaptjio signtasoti ma gagianog, na elp maoi Gsalsoti gtiincoag mo gagi-anotj, maoi gsaltoltigo, maoi eoolitel-toltigo, ag maoi apõgonmatoltigo.

Sagmag, me menag maogongo, o'tn-gatoneo pogteoitjg tan teli ntoisgasiga; Inogo mset tami pogteoitjg oetjatotij mea. Sagmatot, ge maogogo, ogotj-atogo negot pitoimtnagnigl negot agigl otapangetmen aglasieo gesna aptj oen tan pogteoitjg ignmoatj gesna netoisg-matj Lnoa. Mõgoe oen tjiapatmoitj; solnaltjitjigtog mset mesooteo oen tan teltetga.

Patliastot, Inoi sagmatot, ag mset gileo tan oitji tgõtmotigop listogotjg, maoi gelolg emtõgoalsoti oitjetitij ola ntoigatigntijitj otjit mset gileoa; mset gesalolõgo.

#### Nin Glosgap.

**POOMANT**—7 agest—maoi gelol-gag alasotmageneg, pigoelgag lnoag mset tami oetjitatgig, pigoelgag paga-pogoetag ag gemnieoitag, sagmaoag eigag gõspemgeoatjag ag mset onitja-nag, mimatjoinogig neo gasgimtelna-genitjig. Ag pegisingag egsigaoaso-nag Aisig Pal teloisitag ag pigtogõoa-tjag elt negemag, na nogo mõgoe tami eimog goesaegoatj nigatneoesma naglot ag elmipogoasit, tõgo ontji gsipatõg, tõgo teloet, mõgoe etjgin nagelimg ag magni ag malian agaten gisi nigatnõ-tititj magni nagelot. Ag nesognag teli pgitjiag papoagna, mesgigeg oigpaltomeg etli onagasigeg. Ap etaoei me tli gelolten tan gõgoei etliag ola goesaog nepgig alasotmelseotj, ap alasot-maten agtatpag, tõgo totjio maoi mitj-oltitag, maototen solieoei otjit nepo-titijg tan tli apõgõnemoaten. Nin T. N.

**NATOAGNEG**—2 agest—27 tjo-nõg na totjio Inoi sagmao onamagig

tli ag me igtgi oigma petji mitogoti-penig natoagneg, tlia na gato oetjita-penig li-togotjg sist gasgimtelnagni-pong g-oeia; mesgigeg tan teli oli moi-oatg Inoi sagmao Teni tan te'gig teli olaletj mimatjoiino listogotjg ag listogotjitjga; meta pegisingeg negla nato-agneg elinolago-g tõgo loig-neg atjieteg u-g-m ag Inoi sagmao Tanas oesoatotip mesgig maoi alasotmagn ola alasotmõgõdmõtjij sapeoig Soasen; gisi alasotmamgeg totjio Inoi sagmao Tani gagmasip miaoeg mimatjoiinoa, tõgo tliisip eli moioatg-p tan telgig gõgoei nemitõg ag tan gõgoei notga, teloet, nõgmatot gagmasi gsisgoag, mog tliat-soltip notji gamasin otjit metesgoagana, oetji gamasi ag oetji gelosi otjit Sesos oisonemga, ag teloet, atio, mõgoe getjitogo ap guemitoltineno neotipong-geg mataoiag, gato petaoesoltigo Gisolg ignemolg ap tetapoteg gotjino pesipig patlias aptj igatõg magoitimg etog tjel aptj nemitoltitesno; nõgmatot, Gisolg sapeoit ag gelosit, Sent Ann apõgõne-molgoteeo gnemitoltinenoa.

Aptj nin getoi agnotem mesgig emi-togoenigeoei oesoato oetjategemgeg tjo-nõg 24 glapis ola tjolai 26, oetjiap listogotig negla magoitimgega, tõgo tliisip aptj 19 tjolai eliap Setang tepõpli ger-pegeoagiga, me gato gelolg maoi alasotramgeg nemitoaneg, ag telsetemai pigoelg tan gisi npisit negla totjioa. Aptj pegisinaaneg ap notemai setane-oimg pigõpg Isipogtoga, aptj matjasi eliei, na nige pegisiu 30 tjolai maoi gispeneia. Ag tetli igato

**PIGOPEOEI** agnotemagnitjij—28 tesogoniteg tjolaiõg—totjio gisagatepenig otjit Inoi sagmala; na Toma Lipai gespotoe Noel Toma Agostinal elege-tipen; Toma Lipai 41, Noel Toma Agostin 23, na nige negem Inoi sagmao Toma Lipai otjit ola nesipongeg. Nin Aitj.

**SGENOOPEITJG**—11 tes. agest—oetji msenemeg oigatigen, tan mõgoe oeli oigasitnog, ag mõgoe oen ogoisonem pitenog. Tõgo elp mõgoe oen